

滿洲名臣傳

卅九下

內閣文庫	漢書類
二二〇五	號
一六〇	冊
三四	架

內閣文庫	漢
二二〇五	番號
二九〇	冊數
四三	函號
2305	漢番號
160 (78)	冊數
290	函號
43	冊數



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

報聞十一月確里密賊酋利即為我軍炮斃
阿都苗拚敵其酋阿必阿驢苗亦就撫七年

正月廷桂奏軍事竣

諭由此苗底定之功仰荷

上天垂庇

聖祖錫佑兼賴汝等提鎮大臣及將弁兵丁

胥能効忠奮勇之所致也朕深為嘉悅尋疏

陳苗疆地方情形得

旨番俗苗情歷歷如繪絲毫無隱朕甚嘉之

南州之五傳

卷三十一

惟善後一著最爲要務殫心竭力共相籌酌
必得良策庶與永寧四月奏湖北容美土司
田雯知遣土遊擊至四川建始縣界征花絲
銀已咨湖北督撫提督查究

諭曰楚蜀各土司中惟容美最爲富强緣自
前明官吏玩愒馳縱遂至越分僭禮相沿成
習迄今尙未改也地方大吏應曉以大義漸
令革除若據濫給委牌科歛絲花等款卽坐
以狂悖之罪似若太過已密諭楚督邁柱令

其嚴飭田雯如矣汝等慮其疑畏不遽根究
之意甚是尋奏籌畫贖對賊蠻得

旨瞻對雖微亦不可輕視凡事概以敬慎處
之七月奏太平營都司卹見信讒虐兵致令
營交甲求退請革職疏入

諭曰借輕信讒言苦虐衆兵一語遂欲倖免
結黨挾制之罪豈可得乎類茲刁風不宜滋
長當嚴查爲首者重懲示儆卹見若仍留本
營勢不相安另揀賢員調補十一月請開採

黃螂等處銅鉛咨鼓鑄

諭曰此奏識見殊屬庸愚之至所謂守突奧之熒燭未仰天庭而睹白日者也雷波黃螂一帶地方與新撫涼山諸夷壤疇交錯第宜示以靜鎮胡可興起利端若聽民間採各處流亡無籍之徒勢必羣相趨赴萬一釀生事故所關非淺汝其會同憲德速將金竹坪白臘山等處凡出產銅鉛礦廠概行封禁嚴加防範稍有奉行不力脫至紛紜黃廷桂憲德

之身家性命未足以償厥辜也廷桂奏謝

聖訓得

旨向後一切事宜務須詳慎爲要率爾之見何可瀆陳朕覽所奏倘亦如汝遽卽見諸施行竟至滋擾地方其害曷勝枚舉豈引咎頌聖數語所堪了結者如云會經審思原非率爾則已之才職寔屬不逮可知愈當加勉詳慎十二月奏緝獲妖言逆犯楊大銘等十九人並檄西陽土司獻首惡楊七

滿州名臣傳

卷三十九

七

論曰此事最宜詳慎勿俾無知弁員憑威逼
脇激出事端朕意或係奸匪捏詞妄供希圖
推卸亦未可定料該土司未必有此事也八
年正月奏楊七果獲于楊隘嘴並非西陽境
丙

諭曰朕非有過人技能但較汝等克誠克公
耳凡人爲一己利害是非之心切則遇事接
物動輒有過不及之失勉公與誠斯爲對症
之藥嗣西陽改土歸流事詳鄂昌傳十二月

奏報猱賊滋事調兵戡克金鎖關墨鉄關黃
草坪等處恢復永善得

旨官兵之奮勇爭先汝之調度合宜深爲可
嘉據鄂爾泰亦有川省將領此番効勞較勝
滇省張耀祖遠甚之奏勉旃九年三月大軍
勦噶爾丹策凌

上以川陝地廣又理軍需總督一員難控制
特增設四川總督卽以廷桂補授兼管提督
印務六月請將川省常平倉捐穀改銀欸數

是任情肆念殊非所以仰答
天貺矣亟宜返躬內省倘有不慊於中極力
改悔毋稍逡巡六月奏貴州古州逆苗包利
枉利漢奸張九萬等糾眾陷清溪餘慶等縣
四川建昌永寧俱苗疆界連貴州臣飭各員
弁加意撫輯苗民勿爲煽惑
諭以不動聲色靜鎮慎密爲要乾隆元年正
月西陲軍務竣裁四川總督廷桂仍爲提督
其總督缺後于十三年復設十二月

命來京候旨二年補盜儀使尋署天津鎮總
兵三年實授五年遷古北口提督六年七月
諭曰古北口爲畿輔籓籬該提督所屬弁兵
素稱勁旅今因出口行圍親臨簡閱見隊伍
整齊技藝爛熟洵由統領大員董率有方將
弁兵丁勤于練習所致朕甚嘉之黃廷桂已
賞馬二匹著再加恩賞上用緞二疋九月授
甘肅巡撫九年疏奏恤孤貧瘞枯骨勸輸社
倉清查監獄開渠灌田及教民種樹紡織各

清州名臣傳卷三十九

七

事均得

旨嘉獎十二年署陝甘總督十三年四月奏
練兵三事一技藝分三等以資激勸一馬步
兵逐名考驗一前鋒旂纛毋許遠迎露積
詔如所請行十二月授兩江總督十四年五
月疏言江西俗悍有司因循姑息致不安分
之人動輒喧鬧滋事臣飭嚴拿究辦又各營
僅按日輪操南方晴少雨多轉多閒曠臣令
于陰雨時擇公所及寬廠寺院內如式操練

又挽強命中最爲要技現飭造七力及十力
硬弓教演其弱者不得過六力

諭曰汝至江南頗出力整飭振作但不可欲
速而要之以久可也九月議奏裁併衛所事
宜擬將漕船最少之儀徵併入揚州衛金山
衛併入鎮江衛揚州四幫併入三幫鎮江中
幫併入前後兩幫共裁守備二千總四下部
議行尋奏立限清查積案

報聞十五年二月加太子少保七月奏赴運

河豆班集漫口無災戶

諭率屬詳查妥辦八月奏奉賢縣奸民李如岡等聚眾結猛將會擾害地方臣飭屬拿獲首從各犯得

旨重處示警毋姑息十月疏忝江蘇巡撫雅爾哈善于奏銷錢糧奉

旨訓飭忽將知縣許惟枚等十一員特忝送臣會稿畫題臣查惟枚等經徵未完均不及一分例止停陞罰俸今盡請革職人必以為

欽奉

嚴旨非巡撫本意其居心更屬巧詐得

旨所忝甚是雅爾哈善交部嚴議尋議革職留任十六年

聖駕南巡

御製詩賜之曰迎盜衛警蹕建節久旬宣體我勤民德嘉卿率屬賢何須張錦帳惟喜閱鱗田細驗剛柔俗周諮豐歉年咸中方有慶虛已自無偏此地人文盛還淳尙勉旃是年

調陝甘總督十八年正月調四川總督八月
奏川省歲豐穀賤

命轉輸二十萬石賑淮揚被水州縣

御製詩紀其事曰全蜀幸逢年教開移粟船
不因讀漢詔飢溺自靡然十二月晋吏部尙
書留川督任十九年二月重慶奸民譚二陳
琨等謀逆廷桂於首從十四人置於法九月
疏言川省惟成都府屬地平衍又有都江大
堰灌漑餘各屬山田臣令勸修塘堰引灌新

都蘆山等十州縣及青神縣蓮花垵樂山縣
平江鄉三台縣南明鎮悉變膏腴

報聞二十年五月請增鼓鑄爲通省修城用
論曰有益地方之事詳矣爲之是月晋

武英殿大學士兼管總督事六月打箭爐外
孔撒麻書爾土司構釁金川及綽斯甲布祖
麻書草布什咱及德爾格忒祖孔撒互攻殺
廷桂偕提督岳鍾璜飭諭解散尋調陝甘總
督十二月奏言軍營文報緊要向派大員管

理不若就近責成沿邊提鎮
詔如所請二十一年二月奏從前各處調解
軍營之馬多不堪用一由口外嚴寒一由弁
兵作弊自安西至哈密經戈壁十餘站飼飲
不時致多疲斃現派都司守備等官分站專
管河州靖邊兩副將往來稽查將積貯草芎
經過馬匹在歇時刻行走廳分各情形按日
呈報臣令標員赴各站查察並安西提督及
哈密防鎮不時就近督催得

旨嘉獎四月

命駐肅州督辦軍需五月奏西北兩路軍營
向通商販後因撤兵禁止今巴里坤軍營一
應牛羊等物專由肅州一帶販往路遠價昂
難資接濟請照舊通商部議從之十月請設
巴里坤理事同知一
上允之十一月奏吐魯番回人莽阿里克與
厄魯特潛謀叛逆其人在巴里坤哈密貿易
者甚多恐暗通信息臣調安西兵千赴兩處

分駐但數尙少若向內地調撥又慮張皇現有派赴巴里坤種地兵五百塔勒納沁種地兵二百卽令同往防守再晉省解到之駝出關未久若趕赴軍營須撥兵防護已截留安西一帶牧放其續調馬亦於哈密附近留牧至馬匹尙須豫籌陝甘兩省選得三萬令加緊餉牧備調但陝省距肅路遠按站行需五六十日請先調來甘分撥加意飼養陸續行走可收實用

論曰黃廷桂經理軍務籌畫精詳一切調度甚合機宜大臣能如此明決擔承寔心體國深可嘉悅著賞雙眼孔雀翎並加賞騎都尉世職令其子承襲二十二年正月

上以廷桂與巴里坤辦事大臣雅爾哈善札商戰馬一事意存推諉

訓諭之三月奏言臣節次解送出口馬二萬七千五百餘統千三月十五日以前全抵巴里坤餘隨後補解又出口駝四千二百餘續

清沙各目傳 卷三十一

報聞尋軍營大臣奏廷桂所解馬依限到日
應壯堪用

諭獎其辦理妥速交部議敘十月

命續解馬入千廷桂奏前自準噶爾脫出之
官兵等久居邊地爛牧務請即令解往得

旨俞允十一月又續解馬四千無悞

諭部議敘十二月奏言甘省有墊辦軍需銀
十萬餘兩請飭各員自行彌補其半

上嘉廷桂賢勞在事各員奮勉
特命蠲免並

賞廷桂銀一萬兩二十三年二月奏軍需辦

解將竣即屆春耕請暫停可緩之糧運又預
備正餘馬一萬七千駝五千餘陸續解巴里

坤

諭獎其悉心調劑四月

諭酌議伊犁駐兵屯田事五月疏叅甘肅布
政使武忱糧道成德怠玩悞公膜視軍務

藩州名臣傳 卷三十一

星

詔草職時奉

旨于直隸山東山西河南陝西購馬一萬由
肅州轉送巴里坤備來年進勦之用廷桂酌
定餉牧事宜又籌運糧十萬石于巴里坤
諭曰甘省連年辦理軍需黃廷桂急公集事
俱無貽悞今歲春夏以來一切轉運糧餉復
甚妥協深慰朕懷著加恩再賞銀一萬兩七
月奏言臣因兩路大兵駐庫車糧運甚要聞
有自哈密直趨吐魯番之路委員勘得夾山

路徑騾駝皆可行軻由巴里坤路近現奉
旨籌庫車阿克蘇等城糧運可否行走臣已
委員迅勘若俟覆到日始由巴里坤辦運未
免稍遲不若先徑運至吐魯番界由彼轉運
因擬將哈密現辦車騾留半運巴里坤所貯
糧分半竟由哈密運至吐魯番收貯仍俟直
督及山陝撫臣購駝騾到日均由哈密運軍
營回空時將吐魯番糧轉運軍營較巴里坤
省徑返二十餘站

諭曰黃廷桂所奏籌辦庫車等處糧運一摺甚合機宜若拘泥成規必俟查明道路解到駝隻始由巴里坤起運卽極力償赴已需時日朕正在降旨籌辦而黃廷桂卽能計慮及此請糧石運貯吐魯番與朕旨適相脗合閱奏不勝欣慰黃廷桂身體素弱如此悉心計畫朕不惟嘉之且深憐之也是月加少保十二月廷桂奏臣奉旨購辦牛羊查內地牛羊不習口外水土成

羣趕解易斃且耕作屆期未免難購惟羊尙可購四五萬此時口外嚴寒請於來年二月起程接濟軍食又酌撥銀二十萬解阿克蘇買回城米

詔如所請行尋

諭曰大學士晉陝甘總督黃廷桂忠誠素著老成練達西陲用兵以來雖未身歷行陣而籌辦一切軍需動協機宜多有朕所降諭旨尙未到肅而適相脗合旋卽奏到與朕所規

畫不約而同者數年以來若非黃廷桂體國
奉公不遺餘力安得精詳妥協若此而毫不
累民內地若無事者然此其功爲尤大宜晉
崇階用彰勞績著由騎都尉晉封三等伯並
賞紅寶石帽頂四團龍補服以示優異尋
賜所封伯爵號忠勤二十四年正月廷桂以
督辦軍需抵涼州病劇猶勉視事布政使蔣
炳具疏以

聞

上命額駙福隆安帶御醫往診禮甫行而廷
桂卒遺疏至

諭曰黃廷桂忠誠敏達幹練老成歷任封疆
勤勞懋著西陲用兵以來籌辦軍需事事精
詳妥協倚毗方深是以迭加寵錫用彰勞績
昨據蔣炳奏到在涼偶感風寒力疾視事舊
恙增劇卽派福隆安帶同御醫馳驛前往診
視以冀速痊遽聞溘逝深爲震悼覽其遺摺
當彌留之際尙拳拳以西師垂竣籌辦軍需

爲念益見體國奉公赤忱罔斃不知聲與涕
俱難以自禁卽著福隆安前往奠醊賞銀一
萬兩交地方官料理喪事並入祀賢良祠其
伯魯卽令伊子承襲應得卹典仍著該部察
例具奏尋

諭廷挂靈柩所過地方文武員弁出城奠醊
并派員沿途護送

賜祭葬如例諡文襄

御製輓辭曰華銜廣樂正陳時扼墜驚聞辰

尾騎

慈慶朝儀難並輟強酬節物淚雙垂屈指軍
興速五年儲胥事事合機先宜惟良彌蒼生
福痛惜摧心敢問

天馬利軍行粟賑民彌留兩事尙諄諄鞠躬
盡瘁今誠已葛亮而來此一人運籌力疾尙
勞心驛館誰爲下鵲鉞賜賻行將歸故里椒
漿寫痛定親臨封疆歷三十餘年公正廉明
眾共傳

皇考時臣所餘幾鼻酸然復思愀然廷桂柩
至京

上親臨奠醮

詩曰事繁食少赤星頰易簣諄諄餉務裁公
瑾卒官父子感馬光遷陝士民哀忍將巫祝
先挑菊載共公卿酌玉壘奪我良臣一何遽
不教留聽凱歌迴二十五年凱宴成功諸將
士

上追念廷桂

御製詩中有獨憶儲胥宣力者凱迴未見惜
斯人之句尋

命圖形

紫光閣

御製贊曰外任封疆內司綸綍俾理儲胥經
權弗詘殫誠盡智事協予心未同凱宴痛惜
曷任四十四年

御製懷舊詩列廷桂於五督臣首

詩曰西陲用兵時軍需信要務統勦旣罷斥

特用就熟路學畫寔盡勞諸事皆弗誤而以民爲重從不加徵賦遇災仍賑恤入告值陳故可比主吏蕭關中勤供輸以此論功勳章服錫異數爲政頗尙嚴赫赫名久著然而公無私任勞任怨素

兩朝所造就似此誠罕選廷桂孫嘉襲伯爵卒于文燠襲現任廂白旗漢軍副都統嘉弟模歷官湖廣鎮筮總兵降藍翎侍衛檢歷官福建巡撫漢軍副都統降藍翎侍衛廷桂原

襲之雲騎尉世職從弟廷樞襲

烏爾登列傳

烏爾登滿洲正白旗人姓烏禮蘇父喀喇官至寧夏副都統雍正六年烏爾登由前鋒授藍翎侍衛授二等侍衛乾隆二年

命御前行走五年授一等侍衛六年補公中佐領八年

賞副都統銜赴北路軍營十一年還京授廂黃旗蒙古副都統十二年遷護軍統領十三

年四月派赴金川軍營七月由馬柰一路督
戰奪賊卡四尋調赴卡撒攻克水礮三層礮
雙礮等處及二道山梁十二月經畧大學士
傅恒抵軍營令烏爾登還馬柰駐守十四年
金川平還京十六年奉
旨督察平糶事宜十八年
命赴北路軍營授叅贊大臣駐防烏里雅蘇
臺十九年正月以扎哈沁辛桑禡木特等闖
入卡倫烏爾登偕喀爾喀副都統策登扎卜

率兵五百與叅贊大臣努三等分路查緝總
辦卡倫事務九月叅贊大臣薩喇爾往收烏
梁海烏爾登由索郭克接應俘獲甚眾事
聞得

旨優敘給一等功牌二十年二月隨大軍進
勦準噶爾先是

上以烏爾登等查緝扎哈沁事竣並不往擒
逃犯巴朗又匿所獲烏梁海牲畜
諭班第訊問至是

諭曰班第奏訊問烏爾登供詞一切推諉俱卸過于薩喇爾一人夫薩喇爾歸順未久前收獲烏梁海人眾卽有搶掠以伊舊染準夷習俗初降未知法度是以姑爲寬容若烏爾登等乃滿洲世僕亦效準夷之所爲是尙可宥乎且烏爾登於收服烏梁海時未將逃人巴朗報出殊屬舛謬又將現有牲畜等物開單呈報伊在軍營已三四年何能將歷年所有一一登記顯係得信隱匿少開數日希圖

卸罪著班第等徹底嚴查毋得任其狡飾四月鞠寔擬斬監候得

旨烏爾登前不往扞巴朗寔屬貽誤軍機罪不可逭但念收服扎哈沁烏梁海時伊會隨同効力著加恩寬其治罪仍畱軍營以聞散効力贖罪五月授三等侍衛九月授二等侍衛

命選厄爾特宰桑厄爾錐音等兵赴伊犁沿途勦賊授頭等侍衛十二月

諭曰此次烏爾登帶領厄魯特宰桑等往西路軍營行走奮勉著加恩賞給副都統銜在領隊大臣上行走現在進兵勦滅阿巴噶斯哈丹等游牧即著領兵前往二十一年三月叛賊阿陸爾撒納竄哈薩克定西將軍策楞遣烏爾登以兵一千隨叅贊大臣玉保追之會玉保誤信布庫努特逃人言賊勢窮蹙無煩大軍深入遽引兵還烏爾登追至庫隴發嶺獲賊黨額琳沁亦還阿陸爾撒納脫走

上訓飭之七月達爾黨阿代策楞爲將軍偵哈薩克伏山谷中烏爾登以百騎誘之出大軍逆擊大敗之時議策楞玉保等疎縱阿陸爾撒納罪烏爾登以領隊大臣同在軍營草職鎖拿來京

上面詰之烏爾登奏臣前聞逆賊逃信卽請兵五百追於玉保策楞俱謂臣僥倖不允後隨玉保前進復請追拿玉保止發兵五十名至庫隴發嶺僅餘二十八駝又疲乏逆賊已

於臣起行日過嶺竄哈薩克

上以其言詢原叅贊大臣扎拉豐阿屬寔

詔授三等侍衛在

乾清門行走

命仍赴軍營二十二年六月叛賊扎那噶爾

布尼瑪等自額林哈畢爾噶遁哈什河烏爾

登借侍衛瑪常襲擊敗之矜其黨羨諾和什

二十三年三月隨副將軍富德矜扎哈沁得

木齊哈勒拜等五月定邊將軍兆惠招降布

魯特部頭目圖魯啟拜烏爾登奉檄由珠木

罕至圖故斯塔老宣讀

恩旨皆乞降馮木特呼里比因請遣弟舍爾

伯克入

覲許之烏爾登卽伴送來京二十四年三月

擢一等侍衛

諭日現在大軍搜捕嗎哈沁并堵截逆回霍

集占迷路烏爾登著授叅贊大臣與喀爾喀

郡王車木楚克扎布爲一隊互相策應六月

授正藍旗蒙古副都統十月以捕嗎哈沁不力草叅贊在領隊大臣上行走二十五年凱旋
賚幣二十八年遷護軍統領三十年敘護送達扎達瓦屬眾至伊犁及由烏里雅蘇臺解送伊犁孳生牛羊俱辦理妥協加一級三十二年擢廂黃旗蒙古都統三十三年授左翼前鋒統領兼管火器營三十五年二月管健銳營尋授散秩大臣十二月卒

新柱列傳

新柱滿洲廂黃旗人姓富察康熙四十六年襲其祖羅多理所遺騎都尉世職六十一年補藍翎侍衛游授頭等侍衛乾隆四年授鄭家庄城守尉五年授廂白旗滿洲副都統六年遷都統八年擢福州將軍十一年疏言臺灣南北洪波有小船不從汎地出口由小港私運米穀至內地又廈門徑臺有橫洋船並無貨物舵水人等額配過多往往賄兵頂冒



海濱雜俎 卷三十九
私渡應整頓以清積弊又言閩俗剽悍民間私藏鳥鎗現今漳浦縣設法勸繳已五百餘桿請通行全省均下廷臣議行十二年七月疏言前任撫臣周學健據福州福寧二府紳士呈請開墾上下算塘各島一案現在督撫委員大勘臣聞算塘等十島僅丈得水旱田三十三頃與原報萬一千六百畝之數太懸殊量田認墾者駕詞聳聽意不在山而在海海洋之利名色種種如白水者可採捕魚鮮

海島左右水深處也網地者水淺處張網以待潮湧魚至潮落而取也魚碇則就山脚巉石開鑿成圈潮來魚入潮去魚留所也紫菜礮乃山脚下燒取紫菜地也此皆海利大者向無專主沿海貧民輸納漁課于各島附近分收其利與其使紳衿富戶壟斷不若仍公諸貧民俾資衣食

上是之嗣經總督喀爾吉善巡撫陳大受覆奏如新在言事遂停止九月疏言海關零稅

向准銀錢兩次乾隆五年奏禁用錢近交易
用錢者多小本經商易銀納稅啟包攬需索
之弊海船因設措停留恐悞潮汛至濱海小
口如白石司沙埕等處城市遙遠無處易銀
更屬不便請嗣後零星納稅銀錢聽商便并
酌中定價不使滋弊得

旨俞允十四年正月署湖廣總督三月疏言
楚省素稱澤國民間田廬全賴堤埝保障荆
州屬之江陵松滋公安石首監利武昌屬之

嘉魚江夏等縣俱有堤埝外有護灘自十數
丈至百餘丈不等遇漲不致屢潰襄陽府城
外老龍石堤關係城池當不時修築安陸府
之鍾祥荆門京山潛江天門沔陽漢陽府屬
之漢川等州縣俱濱漢水有堤而無外灘且
土性不堅遇漲輒潰荆門州屬之河洋大堤
地當頂衝堤內田廬與潛江沔陽及荊州屬
之江陵監利等縣交錯設有疎虞俱不可保
查老龍堤石工上年動帑興修現在穩固河

洋廖家窪外堤坍塌難修內挽月堤宜速修
務令堤脚上窄下寬堤身再加高厚此皆官
修之堤工也其各州縣堤工向皆民修惟令
地方官勸諭業民于歲修時擬費存公備用
或是歲無需動工仍畱存下屆倘一時工大
民力不勝官借穀幫補食用于收成時還項
奏入

報聞四月

命同尙書舒赫德往雲南查勘金沙江工程

十二月調吉林將軍十五年仍調福州將軍
奏言旗員駐閩年久清書清語日就生疎所
立官學難資教導請發精通繙譯筆帖式一
人來閩專司教習俟有成效另請議敘從之
十六年署兩廣總督十七年回福州任十九
年七月同總督喀爾吉善遵

旨議奏駐防漢軍出旗爲民及轉補綠營以
京城滿洲兵任補甲缺各事宜一情願爲民
之漢軍聽指定所往省分呈明入籍一仍願

滿洲各官傳 卷三十九
食糧者分派綠營補缺一漢軍儘馬甲先補
綠營一半以便滿洲兵坐補一漢軍原住房
屋應留給滿洲兵官房外有自蓋者給還屋
價一漢軍水師甲兵暫留令滿洲兵學習熟
諳後再改補別處一京城滿洲兵分次兵路
進關以免壅滯又奏駐防既換請挑在京滿
洲官帶兵前來每兵百派防禦一驍騎校一
兵三百派參領一兵五百派協領一與漢軍
人員交代至現在漢軍各員逐加考驗其強

壯可用者候送部引

見改用綠旗營員經軍機大臣議行二十四
年丁憂回旗尋補廂藍旗蒙古都統二十五
年

命往葉爾羌辦事二十六年奏言和闐回人
所交乾隆二十四五等年糧石除官兵支領
外照時價糴仍有萬餘石存倉據阿奇木伯
克阿什默特等呈稱每年支正項普爾二萬
四千騰格每月復以普爾三千騰格換易新

錢故官糧難售若准以紬布牲隻及所屬克
勒底雅每年入貢餘金作價願認糶糧石一
千八百帕特瑪查回人紬布較糧石頗賤牲
隻價雖稍昂仍減於內地辦送金亦通行之
物且伊犁布價甚貴若由臺站轉運於兵丁
衣服有益得

旨如所請行又言葉爾羌鑄錢一年共得八
萬餘騰格阿克蘇又開局鼓鑄與舊普爾忒
雜行使回人貧富遠近不同不能全收舊錢

以足十萬騰格之數查新舊錢叅雜自可流
通若新錢鑄至十萬騰格時舊錢收盡自當
停鑄若舊錢尙有則仍行增鑄以盡收舊錢
爲度每月不限定數至錢局所鑄無多工役
量減一半以節糜費從之先是巴達克山與
博洛爾部接壤屢釁掠至是二十八年新柱
奏言臣等前遣伯克薩里等往巴達克山諭
索所掠齊特喇爾戶口什物素勒坦沙卽稟
遵約束將伊弟沙卜多爾噶達爾撤回該地

方戶口什物派伊所屬伯克等逐一交還博
洛爾得

旨新柱辦理妥協著交部議敘是年回京授
理藩院尙書兼廂紅旗漢軍都統二十九年
授西安將軍三十年仍任理藩院尙書兼正
紅旗蒙古都統三十二年署理熱河副都統
尋授

盛京將軍三十三年卒

賜祭葬諡勤肅

三格列傳

三格滿洲正白旗人姓棟鄂氏父訥親官至
副都統乾隆二年三格由生員授藍翎侍衛
洊授二等侍衛十八年遷廂白旗蒙古副都
統十九年四月調三姓副都統五月調黑龍
江副都統尋

命領索倫巴爾呼兵三千赴西路軍營二十
年四月分領第三隊索倫兵由西路進剿六
月同都統銜策楞駐巴里坤辦事八月逆賊

阿睦爾撒納叛其黨阿巴噶斯哈丹掠臺站
諭同策楞防勦九月仍留巴里坤時策楞為
叅贊大臣奏俟兵械齊備進勦

上以策楞怯懦逮問三格係領隊大臣一意
推諉亦革職留軍營効力二十一年二月管
理特納格爾臺站

諭曰三格自革職後効力軍營尙屬勉著
加恩給副都統銜以示鼓勵九月補正白旗
蒙古副都統十一月以兵二百接阿卜達禮

托賴及阿察郭勒臺站於噶呼爾瑞賊眾五
十餘十二月勦呼爾瑞合吉賽音伯勒克等
游牧于喀拉烏蘇盡收其駝馬

諭部議敘給三等輕車都尉世職尋隨大軍
赴木壘烏蘭烏蘇科舍圖搜緝叛賊巴雅爾
及扎哈沁游牧得

旨嘉獎

賜玉韞荷包鼻煙壺二十二年三月同侍衛
圖倫楚奇徹布等由朱爾都斯進勦先是定

邊將軍成衮扎布檄三格進勦賊那扎噶爾
布朱成衮九月我兵至博羅和羅遇叛黨額
林沁達瓦等百餘戶三格突擊之適布魯古
特合吉琿齊呼爾璦合吉達瓦斬扎那噶爾
布赴總管端濟布營詐降並請招額林沁達
瓦三格信之搃撤兵還未幾琿齊等遁
勅將軍兆惠勘奏兆惠奏三格受欺狀
命草副都統及世職以兵丁効力二十三年
隨將軍兆惠勦逆賊霍集占于葉爾羌至黑


水被圍偵賊輜重積城南謀由城東渡轉戰
往收賊旅拒三格與原任前鋒統領鄂寔侍
衛特通額總兵高天喜力戰俱歿於陣事
聞

諭曰三格奮勇殺賊盡瘁損軀深爲憫惻著
照伊原任副都統從優議卹尋
賜祭塋入祀昭忠祠諡剛勇給騎都尉兼一
雲騎尉世職以其子薩炳阿襲二十五年
命圖形



紫光閣

御製贊曰瑋齊潛遁疎防降謫從軍贖罪每
戰必力黑水殞命豁罪論功圖像紫光表忠
無窮



滿洲名臣傳卷三十九終

天保三

